

#812.21
2134
8



978785

魏叔子文集外篇于簡目

第七卷

上楊一水師四

與李咸齋二

與曾止山六

與林确齋二

與李筠叔

與曾庭聞四

與邱邦十四

魏叔子文集

卷七 于簡目

與門人王念融

與謝約齋三

與邱季貞

與劉功定

與胡心仲三

與友人八

與門人十一

答王山長

與甘健齋四

與溫伯芳

與彭躬庵五

與彭駿如

與李少賤

與李雲田

與族祖石牀三

與王若先

一

答熊見可

與熊養吉

與天寧巨公二

與佷公


與彭中叔二

答友人三

與高雲客

與涂允恆

奇木大 二



與涂宜振四

寄費所中三

與袁公白二

與何吉士

與蔣公郁何吉士

答李又元

與先輩

與楊御李進也

答徐伯調

答楊尚賢二

與王汲公昆繩

與李元仲二

與王乃明

答陳元孝

答陳伯璣

答曾君有

答石湖道人王

答孔正叔二

魏叔子文集

卷七

手簡目

二

復羅珂雪二

復沈甸華一

答毛馳黃

與徐孝先

答惲遜菴楊組王

與楊友石

與伯兄四

與季弟三

答世傑二

寄諸子世做世儼

復徐叔亨

與徐伯調

與門人熊養及

答孔正叔

手簡引

簡與書一也吾聞古者史官大事書之策小事載之簡牘是亦有繁簡大小之別焉後世尺牘短篇遂成一家之學故喻理事別是非其取舍與書同山水花月飲酒期約餽問之細寥寥數言情致足錄此其異於書也然簡亦有長言者要之率意應手取足寫其胸中所欲非必開闔起伏斐然成一篇之格調也漢晉以來代有殊指近世競稱蘓黃夫亦何所尚法哉

魏禧自識

魏叔子文集

簡

卷七引

一



手簡叙

從泓受業先生最淺於先生學未能窺百一獨好先生手簡一編蓋泓大父季公公嘗選古今贖雋研鄰伯父又有贖選之刻泓過度聞教故於先生手簡得通其大畧也諸簡中體裁雜出其典厚者似漢人倚令者似魏晉暢切者似宋人世之談尺牘漢魏晉爲上泓則以爲天下之言無有修短洪纖唯以有益於人爲立言之主古之聖賢長言累千萬浩瀚磅礴靡不有其要領故長而不繁短者二三言引情切事言

魏叔子文集

簡

卷七 叙

一

近而旨遠故簡而可味要未有無益於人而著之書傳於天下後世者關尹子曰聖人大言金玉小言枯梗芣苢此之謂也然則先生諸簡其以暢切爲第一義矣泓旣抄而藏之復編次代布諸木以公諸同學爰不揣愚妄而引其端云門人泰和蕭從泓百拜題

魏叔子文集外篇卷之七

手簡

寧都魏禧冰叔著

門人秦和蕭從泓子潛編

○○上楊一水師

命更較經書義甚願樂爲之程氏遺書以諸高弟說  
次後賢尚爾疑失師意所在近陽明學緣是遂騰口  
說脫令書成先生親在函丈時必當不復爾禧自知  
非人猶欲及今抽其一慮執筆時要須解去師弟子  
魏叔子文集簡 卷七 一  
分如讀儕輩文字更如讀古今人文不相身見者速  
於字畫軼其細謹乃爾極意不敬之罰請諸異日

○○又

夜課童子驕頑甚因念寬嚴莫善相濟莫不善相解  
故相濟者嚴不怨寬不狎相解則寬不懷恩嚴不畏  
威夫子六十始舉子人情無不極愛恐他日九嚴不  
足濟一寬也

○○又

先生閱焉乃喪中子天之所壞必折其秀將啓之也

必死幽莠倘淡思而釋之敢弔不寧

○又

曾生立門下三年無足奏每惟素飽此自天質不亢  
要當緣作輟爾文章如鳥獸羽毛自游世塗乃若冠  
冕了烏之士不足耀俗縉紳家大被足覆子孫然亦  
構壚之於梁欂爾幸微致此意乃公休其群雜使居  
肆而成事想未可知

○○○與溫伯芳

先君傳錄久欲送覽以新印未就今奉一冊人子莫

魏叔子文集簡

卷七

二

不欲揚其親然虛言溢美乃與謫親者等微獨使其  
親不可受要一時人心必有不平至欲宣所不平則  
其親危于無譽甚矣吾兄作見知錄已先于爲人子  
者未嘗爲之之日當有以知此不敢妄也

○又

禧於文章奉足下爲益友欲舉全稿就正意久遠今  
乃得遂足下氣力甚大於弟文刪除煩穢辟之秋風  
卷籜然則所收取謂不可去者亦遂如大冬中勁草  
強葉知不復枯落弟制舉文自十四歲受學楊一水

夫子稍能自立門戶竊比近賢謂當出入夏彝仲陳  
臥子黃蘊生之間而足下乃以爲將且過之二十四  
歲後棄科舉始於家姊丈學古文自惟意識議論有  
足與古人並立然古人之傳後世者必其文之超逸  
獨絕不獨以意議也足下直而能當故亟欲以積歲  
古文並正弟生平師友所違覆未能一一稱善去已  
得如敬屬然苟在相成即謂弟生平文字無一篇一  
語足觀取方自以感激底厲况足下在弟有過情之  
好而謂或介然於嫌疑是殆未足爲知己道也曹子  
魏叔子文集 簡 卷七 三

、與李咸空

步自伏虎歸喉痛十日未已此真廢民於蟲蠹中但  
爲蛄蟹不爲豚望也

○又

木大師在峴小極不能從胸無新得數見高人無益

○與彭躬庵



陰寒閉戶并力四日夜得卒讀尊詩弟比年從諸公  
遊粗涉風雅辟如數尺漁舟於清淺溪間自弄烟水  
乃使入滄溟而望三山必將瀾茫運轉自失南北吾  
兄詩于古人體無不備而至性昌言隨處噴薄則自  
成一家至於君國之際哀傷流漣雖飲食游戲繪寫  
蟲鳥亦自有不平之氣痛刻之情滿於言裏此宋鄭  
億翁之情也然而文采規矩過之十舍弟嘗竊恠古  
人全集每不易讀食鼎烹不如其嘗一鱗何也古人  
才名大重當時耳食者得其片紙隻字家弦戶誦耳  
以承耳不敢畧有刪除乃使後世爲排沙簡金之喻  
陸平原文妙一時後人至推爲百代文宗然識者不  
無病其冗縟而張壯武亦曰子惠才多清河云文適  
多體便欲不清弟每念竟陵語善選者能使作者精  
神爲之一易未嘗不爲古人恨之吾兄富於學問游  
歷名山大川交士大夫詩固不得不多然古人以詩  
多名後世自杜少陵外所傳無幾弟今於尊詩體未

裁淨者槩欲芟除事關名義不妨稍存一二見意而  
已惟面教所不及

○又

久欲作詩酬木大師泛言之則不盡切則難爲言將托古依類雜見風指又當於十六字中得古人要害使意篤而義博語與而體直此難工也夜不寐率爾成此敬奉批削使當爲工

○又

今之爲古文者止知工句次則工格而不知工意學者須先工意次及格又次及句及其將成也所難工者反在句蓋意格到則俱到而一篇止一意格句則

魏叔子文集

簡

卷七

五

自首至尾千言百言無不須工譬之貧家意格猶製衣服一衣可衣數年句如辦柴米日日闕少不得而句之拙者又能累意格不工譬如人絕柴米并將衣服典鬻去也先生近文已工到句上興到爲作大集敘一首昨見程山堂碑記又欲焚筆研矣

○又

姜西銘文果佳耶不虛弟黑夜上下數百磴驚山中雞犬也嘗笑南村析疑此語人知之奇文無共欣賞者如痒極不得搔此苦難向異體人說雨雪中閉戶

得手札想見好友之槩與屢及望皇劍及寢門同其  
激發不覺日來宿食頓盡

○又

人還兼得粵友札知吾兄爲諸君子所推奉慰甚弟  
以資斧不就又遭嫂氏之變家兄衰年喪偶情緒消  
阻長姪亦頗盡哀鞠子尤勞老年兄弟旦夕不能暫  
離以此戀戀可喜者兄弟三人決計合葬勺庭屋內  
或死他處亦必啓棺相就吾三人神明他日必能相  
依便覺隨時瞑目無復悲戀兄聞之當爲拊掌一快

魏文子文集

簡

卷七

六

近讀陽明別錄唯有跪拜非贊嘆可盡頗得一二未  
發之指繼遯東房四此堂其措置規模誠不敢望而  
曲盡人情利弊言之簡切處時有勝于陽明者人徒  
貴古賤今吾兄當不河漢此言也別後與冠石僅再  
晤諸友離索先生又復遠出不得時聞謹言鏡子中  
不知積塵幾許愚兄弟常白切磋然俱是熟眼愛而  
忌醜處多耳

○與會止山

丙戌

下溪敗事散兵千餘人統者騎虎勢不敢下久必稱

亂今有進冊求相公錄用者當因而用之榜示餘黨  
有勇藝出衆者赴軍門選用願歸耕者聽則散其半  
矣選而後用非勇力技藝不收不過百十人則又散  
其半矣所謂以用之道舍之也其果勇藝之人即可  
選爲標丁各有父母妻子不如游民無根聚散而一  
二頭目先加名色使歸耕者不疑此弭亂先著也

○○又 丁亥

老伯父卽世通家子不得與哭拜迫裂何可言語曰  
喪事不敢不勉滕定公薨文公使然友問孟子是有  
魏又子文集 簡 卷七 七  
不及之情可勉而至有不達之禮可問而知喪禮不  
講久足下當悉訪於家君禮在今日尤不以尊崇後  
大爲孝事宜書如左

○○○又

大節則取義小節則全身勿動於名而輕其生勿牽  
于不忍而棄其義

○又

手教泉上事真仁至義盡也足下幕中凡護善除惡  
當一以天地爲心民情爲驗不得容一毫私意于其

間昭烈云勿以善小而不爲勿以惡小而爲之但釐  
奸剔蠹須忌社鼠其默足容又不可不知

弟和公曰護善二字君子尤須着眼

又

此君雖着百結敗衣能出舌丈餘探食人腦惟足下  
善遇之

○又

百感交梓心欲碎亂碎亂之極反如槁木死灰一念  
不起重陰乍晴稍有起色

魏叔子文集

簡

卷七

八

○○與彭駿如

己丑

足下舉室流連危城中是倖禍也夫禍不可倖倖不  
可嘗嘗不可恃恃嘗倖以免禍君子不爲願足下熟  
慮

○與林确齊

居旬日去輒悵悵別一二日相見未嘗不欣然自得  
素心二三人娛老消憂之具以游亂世真佳物也昨  
相送日出輒不及溪上乃以惘然

○○又

後人每謂武侯才孫魏武此固事後成敗之論亦見  
武侯每事詳慎必躬必親魏武則撒手任人處多不  
知魏之才多蜀之才少故所任腹心不數人而其才  
又未嘗卓絕則安得不躬且親也或又謂同建功業  
何以吳魏才多蜀最才少自是武侯不及處夫吳魏  
發跡已久先主取荆四方之士久已委質二國及武  
侯得柄特能收拾遐僻之士及二國所棄遺者耳吳  
魏以群材攻蜀武侯以獨力抗二國此其優劣豈不  
較然武侯主而吳魏不敢圖蜀武侯死則蜀亾此足  
以知蜀之無才之效矣

魏叔子文集

簡

卷七

九

○○與李少賤

眼前少年海內每相見令子對之太息令就益度鄙  
近無能發之論人于今日先求無害於人進欲其有  
益間語諸生子弟願得恂謹者于朋友則樂交奇偉  
之人奇偉子弟足甚願弟言此有餘恫也

○○○與李筠叔

賢姪兒時僕便相愛重比尊公病廢姪憂形於色寢  
侍專一細入形聲僕爲怵然發數十年愧耻頃三令

伯之變尊公執我手哭且言死者已矣生者奈何僕  
直下如疾藜入腹中不能仰視賢姪孝養正在今日  
須于一切錢穀米鹽細俗之務下身理之尊公使得  
安坐息慮休養餘年今日之孝未有急於此者僕生  
不盡事及不盡哀誠有如孔子之所謂三折肱耳每  
見人堂上有老病親戚輒如萬戟攢胸前尊公淒切  
僕愛莫能助惟有以簡近切要之語一助賢姪而已  
及此不覺言長

○與李雲田

魏叔子文集

簡

卷七

庸人喜諛豪傑之士則否其可譽者天下無不見雖  
多一人諛無益盛名故嘗取諤諤者補千慮之一足  
下當不以爲罪

○與曾庭聞

不及別足下役作酷急韓公子所謂以積怒御積怨  
則兩危舟中人皆敵國矣牀頭無以貺遠勉思鄙言

○又

丙申

生人富貴如日及著花况此何等時古人云南箕北  
有斗牽牛不負輓今南士尊遂正爾如是若過涉滅

頂凶乃多咎雖有知者不能善其後矣

○又 庚子

接、手、教、動、念、桑、梓、利、害、此、仁、人、所、用、心、害、有、在、城、社、  
間、者、未、可、遽、論、至、工、人、圖、賴、一、事、則、言、之、者、無、罪、也、  
吾、寧、田、曠、人、少、耕、家、多、備、南、豐、人、爲、長、工、南、豐、人、亦、  
仰、食、於、寧、除、投、克、紳、士、家、丁、及、生、理、久、住、寧、者、每、年、  
傭、工、不、下、數、百、近、世、有、司、以、疑、似、之、罪、法、外、加、人、於、  
是、工、人、有、病、死、及、虎、傷、水、溺、等、類、者、則、其、黨、乘、機、搶、  
掠、聲、言、謀、死、或、稱、兄、弟、或、稱、親、戚、朋、行、騙、索、稍、不、遂、

魏叔子文集簡

卷七

七

意、許、告、官、府、又、或、本、處、地、方、以、此、媚、上、不、符、告、許、風、  
聞、拘、訊、農、民、破、家、喪、身、賣、妻、鬻、子、甚、以、株、連、親、友、鄰、  
里、至、數、十、家、者、無、耻、紳、士、又、從、而、蠶、食、之、至、今、遂、成、  
局、劍、牢、不、可、破、傭、工、之、家、人、人、自、危、竊、謂、農、民、無、辜、  
情、已、可、傷、將、來、畏、禍、不、敢、更、傭、他、工、田、荒、必、矣、田、荒、  
則、差、糧、何、所、取、給、虧、誤、賦、稅、爲、憂、方、大、足、下、倘、能、言、  
之、當、事、禁、絕、此、風、頒、示、邑、令、刊、布、四、境、凡、工、人、在、病、  
及、以、他、故、身、死、者、但、經、木、處、鄰、佑、地、方、驗、明、埋、葬、如、  
有、奸、黨、借、端、生、事、者、許、受、害、人、上、告、定、行、反、坐、官、吏、



不行禁止通同玩法漁民者定行參罰至于死者未  
得工價經本鄉鄰佑算明給彼至親收領亦不得延  
緩捐少如此則容工不至謀生無地農民不至無辜  
破家賦稅不至田荒虧折所謂事半而功倍者在足  
下此舉矣

○又

魏公子至讓令趙王不敢獻十五城以兄至虛弟遂  
不忍不傾僅削皮也名士晚年詩文多醜拙失其故  
聲總緣不讀書不虛心將學問二字俱廢却耳兄好  
魏叔子文集簡卷之二  
學問如此他日有進無退復何疑

○○○與族祖石牀

所教皆高情至論得力書卷之外詩文一道有進步  
有變境初學當求進步若既淡造無可進處則止有  
變境可言譬如天地間雲物陰晴色色具足但今日  
雨明日晴便自變化萬態讀尊旨已畧領其際矣以  
共知共見一片真氣自然合古爲上所謂天地元聲  
非老叔不能爲此言他名宿于此或轉生手滑在孟  
襄陽不能無疑詩之古奧者不專在不可解之字句

不可尋之章法而至淡永蒼朴者亦不必在必可解  
可尋處如三百篇雅頌中離奇簡奧未常不載元聲  
也。

、又

舊訂楊子書釋偶有箋解老叔治書如王景畧治秦  
符牒遣發朝聞夕被幸恣意定之著書使後人指摘  
何如使同時人指摘也。

、又

伏讀同題作如尹夫人低頭自痛不若曾立並坐須

魏叔子文集簡

卷七

七

却勿人嗤也

○○與邱邦士

聞足下與木大師談甚得冰雪人將無熱腹耶足下  
孤簡自放要丈夫精神當有所用若徒向文字兒女  
間作活殆與飽食終日相去一間弟逸而多欲言此  
自增愧耳。

○又

辟如山僧胼手于婚嫁家住人宰殺事與閒時游歷  
酒坊肉肆又自未同

○又

近次生平古文弟初無知識自丁亥後則皆受教先生所得也雖未知于古人謂何其精神所到嘗有一段不可磨滅之處十數年山居數年游歷大江南北所交君子能文章者未嘗從乞一敘弟嘗謂其文是而人非者不足敘其人。是而文非不足敘也。文與人。是矣。非其中心所樂道不足敘也。中心樂道之而不能知其甘苦曲折之故亦不足敘也。先生于是數者則兼有之弟不能不以屬先生先生亦不得辭甲辰

魏叔文集簡

卷七

百

十月日白

○又

近作奉政弟文謬爲當世所賞然能知吾疵病者惟先生耳每于論次增長一分學識嘗語天下士此君吾友而師非標榜也東方傳聞大異不知家兄平安若何然丈夫處世正于狂瀾中自立脚跟沸鼎中自開生面東房應不後人故亦不作兒女子戚戚耳丙辰五月日白

○與王若先

日讀西漢文殊嘆息大須熟讀唐宋八家乃見其妙  
文似無間架無鍼線然錯綜曲折照應牽拂最巧妙  
但文古朴法不易見非如八家起伏轉折徑路可尋  
耳拙處愈雋生處愈韻朴處愈華直處愈曲折粗俗  
處愈文雅前輩嘗云西漢風韻今人但以龐厚當之  
流爲癡重肥室失之遠矣東漢文高者一二足追配  
弊薄輒流六朝特魏晉中不乏佳趣如詩盛唐之有  
晚唐也古人文開卷便益神智客難解嘲答賓戲釋  
難之屬作者乃如嚼白蠟述做者使人還作惡吐嘔  
作急手翻過去也

○○○典門人王愈融

初學古文不可急求好用力誦讀揣摩當有好日聖  
人所謂先難後獲也吾少時見事風生動輒成篇和  
公嘗笑云兄可謂題見怕然余十年內所斥抹廢毀  
者不知幾許帙亦每自笑企聖嘆費壽語殊耐咀嚼  
余作文頗敏頃刻數紙特畏剔刪削每旬日不休大  
較用工作之十三琢之磨之十七也爲文有驕心怠

氣疎慢苟足之情皆不可以入室及其至處工候所  
到自然臻之嘗看大文微巧之妙若須一一想頭布  
置雖十年不能成似只信手湊泊天機相觸然非工  
苦積久不可安希

答熊見可

久不相見時想須眉以自振迅篋中有奇文如二論  
者幸再寄我可當七發愈病若在胸中便急洩之昏  
累恐如茂先九醞酒欲穿腸出也二論一為詩六然  
後春秋作一為不  
仁而得天下

魏叔子文集簡

卷之

末

○與謝約齋

人不學不知困不疑不能悟禱今欲以質疑請問反  
求而無其端無所不困同於無困一無所悟安得所  
疑

○○○又

貴堂會講弟意欲增二條今之君子不患無明體者  
而最少適用然在學道人尤當練於物務使聖賢之  
言見諸施行歷歷有效則豪傑之士爭走向之愚謂  
會講日當分三事一講學今所已行是也一論古將

史鑑中大事或可疑者舉相質問設身古人之地辨其得失之故一議今或已身有難處事舉以質人求其是而行之或見聞他人難處事爲之代求其是於三者外更交相規過過有宜於公言以要其必改者則公言之有宜于獨言者則解班後私言之當日所論有確切足訓者令退書一則編于公堂永作觀習如是講學則是非之理明論古則得失之故辨議今則當事不眩規過則後事可懲庶內外兼致體用互通否恐本質雖美試之以事則手足錯亂詢之以古

魏漢子文集簡

卷七

七

則耳目茫昧忠信謹守之益多而狹隘拘牽之病作非所以廣聖學也先生與諸同志酌而采之

○○○又

別又四月近惟學懶漸近自然雖筆墨吟誦亦都不理他無進境足爲先生道也前過程山芻言溪荷采納愚竊謂先生之學以調養心氣爲主然心處虛靜何由徵之但能於橫逆之來不憤激於逆耳之言不嫌忤于煩雜之境不燥亂則此中學問得力與否便自可考故養心氣者不止在靜中得力而須以平心

察。理。小。心。耐。事。夾。輔。成。之。也。鄙。見。如。此。望。教。之。

○與熊養吉

晤。祝。君。仲。立。便。悉。賢。父。子。風。槩。既。交。尊。公。使。人。慨。然。有。現。遜。之。想。足。下。年。少。不。字。以。苦。節。爲。可。貞。此。禱。所。寤。寐。願。見。卽。欲。親。詣。貴。里。而。尊。公。以。酷。暑。見。止。禱。髮。未。燥。時。輒。思。求。友。比。年。閱。歷。世。故。自。居。室。杵。曰。之。細。以。至。天。下。之。大。苟。無。同。志。勝。己。相。與。講。論。匡。其。不。逮。則。不。可。成。一。事。故。每。欲。得。十。已。百。已。者。而。請。益。窮。山。閉。戶。垂。二。十。年。今。乃。貶。服。毀。形。爲。汗。漫。之。游。正。謂。此。魏。水。子。又。集。簡。卷。七。十。六。也。足。下。倘。能。步。趾。是。所。至。願。苟。牽。尊。務。終。當。鷄。鳴。風。駕。以。酬。無。終。之。志。

○與邱季貞

弟。與。仲。連。先。生。許。得。知。足。下。名。字。中。夏。買。舟。奉。訪。及。抵。維。揚。乃。聞。足。下。出。白。門。紀。姚。仙。期。喪。天。下。朋。友。一。道。不。絕。如。綫。平。居。相。欺。不。必。其。當。患。難。覲。面。相。負。不。必。其。異。生。死。而。足。下。顧。走。七。百。里。外。以。急。死。友。弟。行。李。因。人。不。能。久。須。然。足。下。此。行。正。憚。弟。數。千。里。命。駕。之。意。雖。不。見。面。何。恨。

、與天寧巨公

驟浴混堂白汗發頂幾成物化故不能赴召生平自謂學聖人書反於身所踐履不能竟其百一何暇更究外家然聞有耆宿輒願一見敬之如古賢人守死詩一篇奉貺亦欲警動觀者使瘵痺人刺之血出

○又

禧不省佛書然篤信地獄說三論雖近發憤所爲亦中心見其不誣耳錄奉教凡說理說事之文自是天地間公物不得妄有分別爲我作人作只求一是而

魏叔子文集簡

卷七

七

已。

○與劉功定

人老則耄樹老則怪先生老矣毋使老樹咲人

○與佷公

湖心亭月下快談真勝十年讀書豈是博物之謂世法愈險世事愈平知足下沉冥愈堅要如鹿門水鏡不可羈騎而桑陰牀下造就如是非斯人之徒與而誰與聞三和尚目疾頗甚然安知無適清時耶

、與胡心仲



十六年比知山中有蘭共足下周旋久得定交安得  
無作二律奉教坐月北臺上呼燈看隔窓蘭菊此意  
想不忘也

○又

久不相見足下學問自當有轉動處實事虛心所宜  
夕惕也勿以才高悟敏謂天下理不足窮事不足辦  
人不足勝孫思邈論膽大心小雖儒者精言無以過  
之彼出世學仙人語意乃爾忽山中浪傳足下已死  
乍然驚愕既思尊公厚德未應漸然足下抱負豈宜

鬼又子文集

卷七

七

不成各于世卽有以知其妄也白沙先生云人未死  
前一日誰肯信得此事錄錄悠悠同于世俗一旦身  
親斯境便欲痛自洗拔不可得矣浪語正足礪吾輩  
實事魚軒淑令當能忌端叔之夏惡境中佳味要于  
此領取耳禱急欲納妾貴鄉有足爲我地家貧位卑  
不敢望絡秀也春間得足下一字無由報書處

○○又

足下看鑑到眼便見大意是天質最高然古人得失  
之故頗有曲折卽真見其所以然不反身體認恐臨

事尚無着手處也。見得便做得。方不謂口耳知解之學。足下高明。愚更欲其穩着脚耳。

○與彭中叔

史鑑雖古人陳跡。然百法具備。識時務者。但須揀擇用之。絕不消自己添出一毫物事。謂是補古人所無。先儒云。讀史易使人心粗。如云過獨木橋易跌。是要人細心讀史之意。非謂橋不須過後人誤認此語。有志道學者。只看性理語錄。史書置之高閣。卽或涉獵幾等裨官小說而已。伊川每讀史到一半便捨卷。思

魏叔子文集

簡卷七

五

其成敗然後再看有不合處。又更思之。其間有幸而成。不幸而敗者。不得徇其已然之跡。與衆人之論。此正是怕心粗處。愚嘗謂道學先生讀史。蓋如此。恐今日自負才氣。淹通史學者。未必如是也。又嘗觀龜山議燕雲河朔事。經濟如許。故知道學原貴經濟。陸子靜所謂宇宙內事。乃已分內事。晦翁不能攝服。同甫若遇王文成。當無告密結壇。以銀爲鐵。種種辨論矣。

○又

人獨居。惟見有已見已。則日蔽。將有以惡爲善。以非

爲是之事。群居。惟見有人。見人。則日亂。必將是其所  
非。而非其所是。吾非獨居之時。則群居也。受其一患。  
足以自賊。使不察而二患交至。身心之害。有不可勝  
言者。此禱所自懼。因爲弟勗也。

○與友人

以足下才禱久爲心折。每見隨手行墨。把玩再三。然  
不敢納交者。以未嘗信足下爲君子也。諸門人先後  
交足下。皆確然信足下爲君子。而足下才且如是。此  
禱所且暮願交而不可必者。古今人每有負遺俗之  
魏叔子文集簡  
卷之  
三

累而胸中澗然不滓者。足下其有意許之乎。

○○又

語曰。知過無過。足下深自悔。自可濯洗。所貴於悔。須  
實悔。當事差悞。不可以敗露。而悔。悔敗露。則不敗露。  
必不悔。其勢不大敗。露不止矣。

○○又

足下明敏剛方。又復加意經世之務。區區卮言。其敢  
靳耶。手處變定難。非明智不足妙其用。非深沈不足  
厚其發。非果斷不足應其機。雖至忠至孝。不能以無

術而濟術者君子所以成其仁。小人所以成其惡。故  
明。智。近。于。變。許。淡。沈。近。于。好。鷲。果。斷。近。于。殘。忍。辟。之。  
刀。劍。賊。殺。人。者。此。刀。兵。殺。賊。者。亦。此。刀。能。善。用。之。則。  
操。賊。之。刀。可。以。衛。民。不。善。用。之。則。操。兵。之。刀。卽。以。作。  
賊。近。于。敵。門。中。擇。二。三。天。資。忠。信。者。與。之。講。論。蓋。出。  
信。之。人。患。其。無。刀。不。憂。其。作。賊。也。

○又

夫朽木不彫。非大匠之罪。土羹不和。非養人之過。一  
子產于德門授家學。而祿祿若此。雖欲不以爲司教。

魏叔子文集簡

卷七

重

無狀不可得矣。昔摯虞有言。尋師者以彌高爲得。故  
屢遷而不嫌。修業者以日新爲益。故舍舊而不疑。陸  
士衡曰。寸管下僚。天地不能以氣欺。言察要責。寔則  
易見也。觀二生之消長。知年時之荒勤。觀年時之荒  
勤。則知師之功。異語疑矯。枉情乃至寔。

○又

大作重規疊矩。兼有華實。知羽翮已成。昔杜子美。經  
李太白詩曰。白也詩無敵。飄然思不群。故少年作  
當使才氣怒發。奇思繹絡。如入梓澤。如觀沓潮。如

馬馳坂健鶻摩空要令橫絕一時然後和以大雅灑  
以平淡歸於至醇而猶有隱然不可馴之氣不可掩  
抑之光斯爲至爾文字分股之法開於陳大士先生  
而楊一水夫子相距數百里不謀而同今學者及近  
來坊文率喜合掌意彼每股一意將苦思慮爲難不  
知此乃文字中省力爭勝捷徑惜人不肯講此

○○又

適聞邑中有議拆大東小東新城而兄將主其事弟  
笑歎驚怖甚以爲不可也前人創造本以衛民費民

魏叔子文集簡

卷七

音

間白金十萬今雖井里蕭條居民尚賴此爲屏障一  
且以莫須有之風水勞民傷財以壞生民萬世之利  
吾不知其何心也且此城原經撫按請旨而造則今  
亦必請旨而毀毀折之日排門黠夫派糧出銀吏胥  
爲奸豪猾作祟驅此捉衿見肘之糧戶無衣無食之  
小民出財出力是上任朝廷之利害下斂百姓之怨  
詛足下顧能以一身當之乎又聞將起塔于巽峰吾  
意說者必謂移城砌塔一舉兩得不知工費出辦何  
所諺曰上屋稜下屋定費一石穀况與此大工而顧

易爲耶又或謂剗城之人原與尊家相惡不欲令其  
成此功名以懲憊足下不知秦之長城隋之運河萬  
世受利後之聖君賢相未聞變革况此舉原爲利民  
而非如秦隋之害民也孔子曰始作俑者其無後乎  
假令此城果有係于風水郭璞楊救貧復生主持此  
議仁人智者猶不肯聽今亦安得郭楊而議之耶猶  
記壬午塲後吾邑以連科不得第有建修風水之說  
者第時少年不經妄聽輕作遂同令弟毅然任之結  
怨費財日營無益至今清夜思及慚悔汗下不可追

魏叔平文集簡

卷七

五

挽○豈○意○足○下○作○客○十○年○一○旦○歸○里○無○纖○毫○利○益○于○父  
母○之○邦○而○遽○爲○殃○民○之○舉○身○受○作○俑○之○罪○甚○非○所○望  
于○知○已○也○此○城○先○君○所○費○亦○數○百○金○今○雖○舍○宇○大○半  
敗○塲○無○足○愛○惜○然○此○舉○若○成○不○肖○兄○弟○必○出○而○力○爭  
豈○可○不○先○聞○之○足○下○乎○若○此○議○足○下○未○嘗○主○持○亦  
當○倡○言○于○衆○以○遏○邪○說○造○福○鄉○里○身○名○俱○泰○在○此○一

舉矣

○○○又

吾輩一身相依終年離逃德業不得相成而至情綢

繆天機鼓暢之時亦且難得古人傷貧豈必大事足  
下始行有以足高氣揚相背譏者蓋意氣駿發自其  
本色而適當貴人之招彼遂以爲故然耳因思習之  
移人賢者能持而氣之移人賢者不覺故與富人久  
居則有財氣與貴人久居則有勢氣初非有心依倚  
居養所移不言而驗也士不幸爲貴人所尊厚敬我  
順我者多侮我逆我者少積漸久之好上凌人殆將  
不免此中惟邱邦士天資高妙自不染著他皆當以  
淡山靜穆之氣洗之以學問澁苦之力持之要使語  
魏叔子文集簡 卷七 五

言舉動和平淡漠若未嘗身與其人其事者乃可漸  
滌貴勢之氣此語須學問中人乃能信及粗心者則  
以爲易易耳

又

吾廬客荆江使聞足下在此間僕喜之不寐而所聞  
未有過人者何耶僕以沈敏許足下而舉者以爲名  
士風流毀者以爲疎狂又何耶吾輩今日最要聞過  
去一短便增一長毀譽之來有有因而至者有絕相  
反者惟明智自知之

○答友人

近有所聞正欲作書不意人且來也弟輩生平負義好氣敢于有爲年來閱歷世故乃學得收放二字某督學家居數以言公與太守作對太守輒使人刺殺之了無申雪此當時仕宦尚爾故君子惟有儉德避難而已近日浮議之多固是道尺魔丈然君子正須自反畢竟在受病不免標梅蓋道學之名爲人所忌若復不能自處無過則澤靡虎皮是招人而使攻也易稱君子見幾而作今之幾亦旣明著矣此時不淡

魏漢子文集

簡

卷七

七

自韜晦平淡將來恐不可知古君子所謂獨立不懼者武朝廷大事不阿衆以誤國或出處取與不以世俗之好惡利害變節爲非耳非謂必皎皎磴磴堅持此名致死而無悔也不然易之見幾庸之默容論之免刑戮且何說哉我輩抱大竄恨不得伸孰有過于二三十年之事今且一切放下則又何事不可放下者區區之間挺身犯難以爲好義負氣不但時所不可其爲氣義抑已未已

○又



足下致身萬里托交豪俊弟亦長年出游只營營筆  
墨如科目人呿唔咕畢終日不休此與老死牖下何  
異廿年來好交天下士然不能交行伍屠沽此間失  
却無數真才足下廣涉博收粗入細夾袋中物能  
一一舉示我乎

○又

先聖云言之不文行之不遠士君子苟欲立言垂後  
此中法度意思定須講求古之作者今天下陽氣衰  
微間生奸人如荆棘叢中忽遇一莖香草安得不愛  
魏叔子文集簡卷七  
護駕至禱於足下正作此觀

庚

○與門人

會周士

今之成人遠不逮古者童子於童子禮觀之敬授爾  
庠一冊夫教人者惟其意人俗壞已久余與易堂先  
生輒舉中夜之哭苟意能爾俗所不通疎節不咎

○又 會秉之

告爾彝於几上見爾日記奉師訓篤朋友之義可謂  
佼佼內感予心欲便涕下爾翁老矣爾終鮮兄弟爾  
一子喪爾肺疾方二三歲時以劇作不慎則死死則

爾老父母無養絕先人嗣朋友之義孰去從焉汝於  
儕輩不平輒心恚親已則甚古之壽考多福者必性  
寬厚心氣和平其夭短坎廛則在寸怒褊戾之夫葬  
汝慎自念

向集六松門下踰浪呼博頗放禮檢僕以一日之長  
令先公處之面丈門下北面受業方已畢歲豈得以  
年序遷流便可棄如遺跡禮天子所在南向唯太學  
受經退循北面古人所重意可識矣門下材美僕固  
魏叔子文集簡 卷七 五  
欲以古道相勗否者非徵發聲色則當付之不議之  
列若好爲人師長自尊大是僕所不出也

○○又

二子並遠就試約不得復受業來年兩生旣長堂上  
年益高持之於後其庸望乎昔李鈞兄弟宦遂不歸  
曹王臯幼之並錮死高皇帝行後苑見巢鵲翼哺令  
廷臣親老者歸養帝王孝治天下莫不務此我職在  
教授釋此不謹非古人立師意其勿造門下

○○又

時綽舉盈古人所戒况在今日門下樂後助奢若鳴  
得意徒使期耄之老瘁形竭慮輕其廉耻此僕所爲  
鬱鬱傷心也婚姻人道之大然古今異制鄉國不同  
禮苟非賢明孰釐正之今好作侈大或曰古禮不可  
蔑卽曰世俗不可狃古者娶婦三日不舉樂度尊家  
能之乎俗有所謂鬧門福者度尊家能之乎門下身  
履孝友率先新婦忠養舅姑下好叔姒議酒食以庶  
幾鄭女緝佩之風則古禮復於斯世俗宜於斯不在  
損財增貧也語曰雖知其寒惡不可取故一再說之

魏叔子文集

簡卷七

三

○又

秀才如處女子名可聞人不可得見予每怪武城賢  
令使子羽日從游息食郎門之內此功曹史於今日  
士豈不賢且十百古人斷斷良有以也胡安定門人  
散走四方望者識爲先生弟子李斯壞亂天下追罪  
荀卿其自愛

○又

先徵君傳錄一冊送覽汝不幸幼失父天下惟孤子  
自立最難惟孤子最不可不自立孤而貧則衣食不

輒無以聊生。少有門內外將蠶食之。以財賈禍。十八  
九矣。夫母慈不若父嚴。母又不治外事。故紡孤者。稍  
長。則匪友乘間。因緣爲非。敗名破家。無所不至。母不  
及知。知之或不能治也。是以孤子多放蕩游惰。不自  
立者。先君子年十九喪先大父。稱萬金子。內外多難。  
又無師友夾輔之力。然以孝友禮義自持。雖爲白衣。  
時年未二十。而縉紳先生皆以朋友禮之。敬而愛焉。  
此真孤子所師法。汝行婚冠爲成人。故以先人遺言  
行授汝。日夕思惟。勉所以自立。毋貽寡母憂。使死父

魏叔子文集

簡  
卷七

三

不暝於地下

○○答門人 楊御李

答。最。人。處。俗。辟。如。行。爛。泥。中。時。時。自。拔。足。警。顧。而。視。  
乃。不。陷。矣。俗。薰。陶。人。如。於。室。中。焚。燒。病。革。氣。著。衣。帶。  
出。市。而。臭。然。不。自。問。故。處。俗。不。自。灑。濯。親。嚴。師。畏。友。

與。觀。古。人。過。人。之。行。雖。美。天。質。萎。釋。必。盡。佛。氏。有。言。  
離。吾。數。千。里。憶。念。五。戒。必。得。道。果。但。自。操。志。毋。若。分。  
張。也。並。示。晉。

又

囊僕忠信之云緣以世風浮薄而名士游各置滑尤甚最囂滑者最得氣勢爲人所奔走門下不幸而托身二者之塗語曰習俗移人賢者不免僕恐熏染浸忘故吾以是爲夏裘冬葛之資耳

○○○又 林方之名東孫

覽○札○具○悉○門○下○意○人○不○患○無○才○患○無○志○有○心○而○以○真○心○勤○力○行○之○便○是○才○也○人○最○難○得○本○體○忠○信○可○以○倚○仗○則○大○有○大○用○小○有○小○用○特○不○可○不○自○知○不○量○才○力○輒○耻○小○職○厭○卑○事○耳○僕○嘗○謂○水○滸○傳○朱○富○只○是○辦○廚○亦○與○大○豪○傑○同○在○天○罡○地○煞○之○數○天○罡○地○煞○中○人○只○是○辨○廚○亦○不○耻○不○怨○蓋○能○自○量○才○力○敢○辦○廚○不○耻○能○與○大○豪○傑○同○心○同○德○故○足○與○天○罡○地○煞○之○數○也○王○文○成○公○拔○本○塞○源○論○不○過○發○揮○得○此○意○而○已

○又 吳子政

欲長志識必須讀書不但經世之方于此學望見古人前次高濂操行真篤勞心苦身勤勤懇懇皆不爲一身一家起見便可淘洗腸腹卑俗私吝之氣百世聞風兼頭立懦舍讀書亡由得正各其勉之並致二

〇與高雲客

去夏客西陵時海寧陸冰脩聞弟爲江右寧都人特  
過湖莊訪所謂易堂者弟甚怪易堂諸子遵晦守拙  
于世無所短長非有達官盛名傾動天下士而東海  
相距四千里知而就訪蓋真所謂不虞之譽者旣與  
冰脩交具道侯官高雲客卓犖好古爲我言易堂山  
冰人物如是惜其行旬日不及與子相見也西陵汪  
魏美沈甸華應嗣寅諸君子盡道足下爲當世士又  
從壁上見大作及所編高士傳恨不見足下頗甚于  
冰修始語時然計弟到湖上足下尚棲遲北高南屏  
間共飲西湖水者七八日弟生平以朋友爲性命山  
水花竹爲稻梁文章爲堯筆足下竟體皆具而咫尺  
相失歎息彌月不能遣也因便奉字道意

〇答王山長

頃讀漸游諸記如寄身南屏西冷間湖心亭如雨忽  
來遮却一角忽去露出半面最足賞心欲作一幅見贈  
者寫此離合爲妙耳日峰西骨氣峻嶒想見眼無

碌碌諸邱弟所居翠微峰前拔于尺中如鳥跡蛛絲  
安得足下以奇筆肖之拙作望直抹古人相見開口  
便有到心語也

○與涂允恆

以拙策視大篇如道旁堵墻并于天闕城郭雖圍人  
能別其駿駑矣

○與甘健齋

溫潤栗理足下所謂玉美也

○又

魏叔子文集簡

卷七

三

年年歲除坐生感歎及歷新序毫無增長至今感歎  
亦成文具數日相對頗欲自激厲也

○又

四策奉正語曰閉戶造車出門合轍此非上智未易  
斯語天資學問苟不如諸葛武侯其人則卑者儒生  
之常談高者處士之橫議一旦得志其不爲半山執  
拘害天下國家者鮮矣健齋有用道學也理熟則意  
見之偏私去事練則利害之倚伏明其有以教之

○○又

尊書復躬老而康二篇理明語簡筆力醇健足知學問精勤敬服古今學術自大聖賢而下不能無所偏至故子夏未學語先儒亦謂重此遺彼不如餘力學文本末全具而游夏彼此相非遂開朱陸異同之原蓋朱陸學本無異因累辨而後異生但求相濟初不必相非昔賢之失亦吾鄙前車之鑒也至于宋明儒者各有宗旨拈題固是各人學問得力處要莫過于士敬二字不可顛撲貴堂師友講求持循皆此二字最爲的確愚謂今日亦不必更拈畏天命三字特作魏叔子文集簡卷七

壹

宗旨蓋主敬中已具有之而不立名目尤可以化從來道學家門戶蹊徑之見息天下之爭孔子曰遠而不作信而好古古本當好吾又第居于述則天下之恢心平而辨難之端無自起弟不敢誦言于程山私質吾兄不知當否

邱邦士曰此真菽粟布絮之語中間蹊徑二字尤妙蓋諸大儒各拈題目誠是他受用過來原非門戶亦不得生枝心作辨難只是漸漸成了蹊徑自以爲左右逢原處未免暗受了病痛爾甘健齋曰陸朱歸宿無異而行程水陸不無異水陸異無害但水陸中亦自有差處各見其差處而反之亦無害惟各護甘差處而爭之則大不是耳



○寄木大師

正月杪授經涂氏憶往年廩山警咳不復可得頃聞  
正坐清原益信盛名難居如坐春水船中自致天上  
愚以爲韓淮陰旣登壇坫則下齊舉趙不得更諉蕭  
張古人所謂絕利一源用師十倍也猶記碧山拜送  
獻海立鷗游之句大師其許之乎若以孤鴻野鶴自  
嫌結束則織籠雖寬終不若羊角南溟隨風搏徙惟  
大師自擇而審處其一

、又

魏叔子文集簡

卷七

美

師杖屨且停更來齋中一宿廣坐中不得獨對如彼  
此背痒不得搔爬正復難過耳

○與涂宜振

人情好乖惡及葺餘亦大無理事數日來未免作惡  
苟與中暇思之自處正不無過蓋見機不明涉世不  
老守常理以游風波坐令不免耳因此益悟盛名難  
居衆怒難犯嫌疑不可畧冒自恃不可過信此後當  
勉強學問謀始思復後事本屬違道弭謗然衆情所  
在卽道所在因時適宜正不可少不專在此事曲直

上分也諸兄以爲何如

、又

弟自笑胸中學問如雜賣貨郎色色都有然富人出一金便并兩耳小鼓俱被買却觀兄博奧乃是盜入龍官珠貝狼藉直無着手處耳

、又

昨讀東坡龜錯論更以意成一篇書生紙上經濟正如小兒盡地作餅亦自知其不可食聊取快意

〇〇〇又

魏叔子文集簡

卷七

三

報書委悉謙冲真有道者之言所云蹈履規矩負俗免譏可以持身涉世誰目不然先君家訓具載傳錄意在謹厚此可知矣弟亦非欲以季良豪宕相益也王曾曰平生志不在温飽陳蕃曰安事一室范文正公做秀才時便以天下爲己任古人此等志氣絕不從一身一家子孫饗保起見蓋人必有與天下相痼瘵之情然後封己自全之私可以洗剔超拔此雖閉戶一室未始不見其浩浩落落橫絕四海者昔諸葛武侯抱膝南陽初無豪舉如徐元直報仇殺人及其

相○獨○鞠○躬○以○死○而○成○都○遺○財○不○過○桑○八○百○株○然○則○抱○  
膝○時○所○經○營○思○慮○蓋○可○識○矣○此○乃○天○下○之○大○規○矩○大○  
準○繩○而○非○踰○閑○以○爲○高○亦○非○躡○步○以○求○合○者○也○本○意○  
如○是○敢○再○一○疏○之○

○寄費所中

念○足○下○因○逢○蒿○中○輒○如○身○陷○泥○澤○然○不○能○謀○所○以○脫○  
之○舍○弟○臘○月○信○知○足○下○貧○益○甚○嘗○念○張○嘉○貞○徙○忻○州○  
刺○史○時○慷○慨○對○元○宗○語○令○千○古○志○士○拊○膺○泣○下○然○精○  
金○須○耐○得○百○遍○猛○火○燒○益○自○振○毋○以○拂○逆○挫○其○銳○心○

魏叔子文集

卷七

三

亦○何○不○苟○且○因○人○舟○車○且○至○長○安○一○游○困○頓○里○門○恐○  
爾○非○計○偶○繙○尊○詩○不○覺○狂○呼○遂○成○五○言○一○篇○拍○案○叫○  
奇○絕○仰○天○垂○涕○淚○足○知○弟○之○情○矣○

○○○又

吾○見○之○學○當○擇○人○而○授○亦○有○可○偶○行○不○可○立○言○者○蓋○  
老○成○運○用○自○有○根○本○變○而○不○夫○其○正○若○少○年○輕○事○止○  
得○其○一○說○將○有○父○殺○人○報○仇○而○予○行○劫○者○李○斯○以○荀○  
卿○之○學○匹○秦○京○房○以○焦○贛○之○道○殺○身○亦○立○教○者○所○當○  
汲○思○也○

○又

近作數篇呈教俾知弟大意所在又牽牛石碯二評此中甘苦唯足下可與語也我輩學術都無實事可見只得向紙上勘取然此雖空言正如農家播種此處一差滿田生發都錯故欲與足下公白相正耳

○與袁公白

鼓棹橫流目送不已于今三年矣士人讀書要當洗滌私吝所經營者在天下後世之遠若徒葦葦衣食身家少得便足不識何以自異于市井屠夫酒媪也

魏又子文集簡

卷七

三

望先生有以廸之聞出東西大荒人相食而各省直變異特多將來不知作何究竟山中老蕨未審容得咬斷否

○又

匡齊新語急欲得一讀已屬止山代抄翠微石室尚足藏書也弟年踰四十天質孱羸度更十年雖幸有遭逢氣力已衰不足辦事爲今之計但當酌古準今俟之其人庶幾火盡薪傳身死無恨舊年與郭天門先生書畧盡二十年爲學之志今抄一通奉覽

與何吉士

中秋放船三日快論何減古人桑陰每恨樹上下人  
不知所語何事今更以此補之審不惡也

○與蔣公郁何吉士

出門來所交友負奇才者惟所中與兩兄耳公郁諳  
練老成可任難事吉士天資朗利如出硯之刃光鋌  
逼人當澹沈堅定以老其鋒以諸君精神自不埋沒  
於天地間也袁公白先生人品經術不可多得二兄  
當數與往還不可以所志殊遂視爲不急爲學須同

魏叔子文集

簡

卷七

早

已者相資然補偏救弊全在異已益其所長輔其所  
短乃成大器傳曰以水濟水誰能食之唯兩兄加意

○答李又元

尊詩文鄙意具詳冊中大約立意不苟必于世道相  
關雖末世文章詐僞不足觀人要如大作必非繡擊  
悅以美七尺軀者也吾輩寢食詩文欲以文章接壽  
命使身死而名存自是本念然士生今日所可爲當  
爲者正非一端雖文駕班馬詩驅李杜尚是第二層  
三層事先生老矣志氣勃勃及長書小楷過于壯夫

坐輜車中不問廢疾寧問老壯耶尊稿弟何者言是何者失之並教我觀弟議論着眼着乎處便知其受病在何許耳

○與先輩

丙午月日禧白開台旌前臨新邑爲地方風俗大事僕僕暑中歎服否曰君子以儉德避難末世行德有不可多此潛龍所以勿用也孔子曰不在其位不謀其政豈獨以戒出位踰分之愆亦以示明哲保身之智乎天下惡人多善人少士君子隱居草土苟欲移

風善俗當如管幼安在遼東言孝言弟勸人爲善而已觀其置器井傍以杜爭汲亦但調停感悟初不警以刑法夫堯舜爲治不能廢刑幼安爲牧守所敬禮豈不能以法治其不率顧從容和緩必須其自化者時勢不得不然明哲之義蓋如此也前過程山語黃維緝云此時可講鄉約不可行保甲蓋鄉約可以義勸保甲必以法行義勸則賢者自勉不肖者無怨法行則受法之人初未革心馴至反面私圖報怨公將告訐勢所必至維緝亦首肯斯言况先生伏處二十

年當事目之廢紳之列千斤之弩豈爲鼯鼠發機哉  
禱生平亦敢于有爲鋒鏑自喜近年閱歷險巇始悟  
天道人事盛衰乘除之故痛自摧抑而氣質偏駁終  
多過舉先生毋以人廢言幸甚

、與楊御李進也

夜夢臥床上先夫子呼之起爲指數禱過失六七條  
皆人倫間事淡中病痛至於服用亦摘其侈色濫言  
厲逾於往日旣醒悚息感念爲之涕下禱與先生誼  
猶父子每晨肅揖想像形容而夫子愛我乃一幽明  
魏叔子文集簡  
卷七  
星

二子篤懷明發思啓行翼不憂隕墜也丁未三月廿

二日禱白

○答徐伯調

得賜書所以鍼砭弟者皆欲使上參易老保其身名  
見藥思病遂覺百節六腑咸受傷滯敬謝教至謂當  
淡沒其上而詭託于下古人亦恆有是然所謂不得  
已而發攄者當于何見莊列之徒以危言寓淡理孟  
韓之徒以危言明大道要亦各有其志然士生斯世  
其可言者如此不可言者固不知其幾也則足下之

言未始不兼舉矣

○答楊商賢

弟生平交友尚真素而畧聲華論文則務求古法而實以己之性情學術要歸有用今天下才氣卓犖之士指不勝屈以求當古之作者則難其人非其才力有不能則所以學之志與其術非也擇塗不審雖車堅馬良去楚益遠去秋足下顧我于東湖之上快讀著作不覺咨嗟使不知者見之則以爲互相標榜已矣

魏叔子文集簡

卷七

星

、又

承委敘大集向畧已瀏覽然以弟敘兄文當有微言獨見取信天下後世不應同世士酬應但取成敘者之文願得大集博觀濶釋然後結撰至思以報知己歐陽公云不畏先生責但畏後生嗤洗垢索瘢天下文人本色作者評者須先求一自信得過也

○與王汲公崑繩

日念喬梓昆仲如家人不可暫釋處四達之地易于交友閱事而風氣雜糅虛美相熏以之滑性長傲亦



不爲少長才人當堅定以學問學問在求實地日見  
己所不足則不進于古人不止

○與李元仲

弟爲童子時便知先生名字旣于咸齋躬庵及舍弟  
和公處時聞緒論性情容貌日如坐對今亦無用寒  
溫語矣往潮州總兵劉月亭嘗切齒言曰明末人最  
是皮厚招之無一點血出故于君親一毫無情弟歎  
服斯言謂百千士大夫却被武人一詈罵殺此病至  
今且成痲痺又躬庵言近世皆病虛症急須以實藥  
魏又子文集簡 卷七 醫

○○○又

數欲肩輿走貴里一盡隆中之指而兵寇疾病脊至  
擾人遂不能越境一步聞先生三徵不起此自靜中  
定見然世事益不可恃人才寥落太平無期志士于  
此袖手則不仁濡足則不知往往巡簷浩嘆自處無  
策也然不袖手不濡足之間正有不害爲仁且知者  
欲見之誠疇昔已然于八爲甚

○○○與王乃明

子載其道尊指此行蓋無可疑者弟消夏山中讀三國志歎此時人才諸葛君而外斷推魯子敬爲第一是時英才輩出止知各爲其主獨子敬能見大體故于曹氏則力拒降議于昭烈則曲爲扶持卒之吳蜀和而兩存吳蜀爭而兩敗只係子敬一人生死間耳夫合力拒操天下之公議唇亡齒寒古今之至戒而當局不省者由其胷無遠大之畧而惑于日前之小利也細人不明大義不識天下大利大害而逞私見

魏叔子文集簡

卷七

七

徇私欲以人國僥倖亦可哀已道兄學古有獲不知以鄙論爲何如乙卯四月日

○○○答陳元孝

人還得手教具悉近指吾輩斷無優游以消白日之理如此不出戶庭卽何愧重繭萬里也士君子生際今日欲全身致用必不能遺世獨立然浮沉二字最是難爲浮者便浮沈者便沈獨浮沈之間稍方則忤人稍員則失己古人所謂絕跡易無行地難也僕向有二語石山須練得出門人情出門須留得還山面

日。及比年客遊虛名日長實地漸消。雖所至譽我以  
高潔。以廉靜。而清夜捫心。慚山中猿鶴甚衆。此同勢  
會所使。要是學力不固。因仍苟且。陰移不覺耳。足下  
名高游廣。正須倍力。將牢願以折肱。爲盧扁之助。至  
尊教立事立言。一途兩振。此唯人所見。若志在博學  
宏詞。與天下文人爭勝。則非窮年覽誦。博洽古今。定  
不能至。若志立德立功之言。則琢磨行誼。講求經濟。  
皆足立文章之命。增長其氣勢。但使文足以輔吾理。  
識而已足矣。足下天資高明。又好學問。豈當以爲難。

魏太子文集簡

卷七

吳

者僕質魯于易堂中。最爲下劣。然藉兄弟朋友切磋  
之力。雖文章小道。有所失。必力相攻治。如嚴師之訓。  
其弟子。下至子姪門人。動色相諍。三數十年。以至于  
今。或有一言幾道。正坐此也。足下北田內外。其亦崇  
此風。指乎天地閉塞。人才寥寥。一二志士。當厚自培  
養。以供後進挹注。若源之不濬。數流而竭。已則枯槁。  
乃思潤物乎。此蓋諸君子所不能辭其責者。僕下劣  
亦當竭駑足。以追其後也。贛廣壤接。車舟不絕。而通  
問甚難。三年之緘。必山中人來始達。是以絕去寒溫。

不禁醜縷躬兄荷諸公骨肉之誼固賢者股分應爾  
亦足知貴鄉人情之厚君子之衆矣新作數首呈翦  
望批示還教之并致告于諸同學俾僕知得失所在  
幸甚乙卯六月日

○答陳伯璣

朋友惟敬可久亦惟適性可久否則率管鮑而張陳  
止有申屠子獨身向樹上住耳往聞足下與二君有  
違言要亦彼此未能無過他人頗傳灌夫酒語聞者  
久懷不平然悠悠之口安知無有讒慝謠詠同志爲

魏叔子文集

簡

卷七

七

有識所薄謫人卽同自謫足下欲交天下士豈顧出  
此弟則一笑了之而已然知三君子胸中終不設柴  
棘也佳刻格端氣清多言外之味弟山居寡營好留  
心古文畧有所窺愈覺難言如求神仙者望見海上  
三山不可得至

○答曾君有

縣令宜重自漢唐以來言之若尊旨所謂三代官多  
而易親後世官少而易隔誠可補古人未備若司里  
在今日不過如里長地方之屬司市則今日市法已

廢奢儉治亂之源與古不同。然已包舉于重縣令之內。縣令固無所不治也。愚意欲先將大明會典刪定。然後參以漢宋之法。漢人取其節目。疎濶。宋人取其恩意。稠疊。而更出以己見。參時之所宜。如今之兵制。官嬪奄宦。奏疏等事。則亦可爲法于後王者。弟老鈍。且病。諒不獲成斯事。道兄有志之。冀其得無意乎。病中氣短。口授。見輩奉復。不悉。

○答石潮道人

今日方丈中詩文下筆。便如佛旨。誰肯請益於人。

魏叔子文集簡

卷七

吳

亦誰敢增損其一字兩字以益之者。破此格例。當惟吾兩人耳。諸方動手成文。朝脫于紙。暮登于木。狼籍蕪雜。如滿場瓦礫。中有金玉。無從著眼。何如稍自汰洗。令天下人見金不見沙乎。古之傳人傳文。正不在多。此語藏之已久。不逢足下。終不發也。

○又

來札云。讀地獄四論。如朗鑑。照人毛髮。具見可謂善說法。要欲與高明發願。日誦破地獄真言百遍。以助地藏。及早成佛云云。

聖賢千言萬語。何一非破地獄真言。我輩舌敝口乾。

何止日誦百遍。苦世人假癡不聽。尤苦地獄中人。日誦破地獄真言。夢日日爲他人誦破地獄真言。却日日借此造堅牢地獄。真料尊旨所謂不肯放赦地獄。誠實誠實。又云菩薩癡心願空地獄。從來佛聖平白。要挑法界大擔子。未有不癡心而能負荷者。弟亦嘗云。大賢以下。定要帶些愚意。方做得徹底忠孝仁義之人也。小論本弟實見實理不知者。以爲發憤之作。

○又

魏叔子文集

卷七

異

每一把晤便覺日月清明。草木和暢。屬敘大集附上。今人作敘頌諛滿紙。極天下古今之美萃于一人。猶若未足作者厚類。受者喜色。然貽笑大方。應時磨滅。正如土偶負木偶。以涉川流。身先潰散。耳弟不敢希古作者竊窺傳人傳文之故。聊欲以澹宕出之。然弟之傾倒亦至矣。

○答孔正叔

先生臨別握我手。淚下沾襟。弟幾欲痛哭。恐助哀情。非七十二老人頤養之道。故鰓涕內下。登輿頻回首。

望○白○須○頽○然○不○禁○心○碎○因○念○朋○友○如○此○何○問○兄○弟○天  
親○男○女○私○愛○益○知○各○教○性○情○之○樂○如○五○穀○甘○口○可○久  
可○常○初○無○奇○異○但○不○得○則○死○而○不○活○耳○弟○來○貴○邑○因  
允○恒○兄○之○變○行○愁○坐○歎○對○食○不○歡○旬○日○之○間○忽○忽○欲  
病○及○到○賢○溪○友○朋○師○弟○暢○寫○天○真○始○得○懷○抱○一○開○離  
隔○悲○緒○也○尊○和○月○立○詩○清○超○而○多○警○句○金○蛇○詩○甚○古  
厚○俱○妄○訂○歸○上○先○生○體○力○高○強○定○當○百○歲○弟○亦○不○敢  
自○菲○薄○以○先○朝○露○臨○紙○依○戀

○○○又

魏叔子文集簡

卷七

三

碣○文○附○上○竊○思○君○子○爲○文○章○務○使○顯○可○示○於○天○下○後  
世○幽○可○質○于○鬼○神○故○善○善○雖○長○不○敢○爲○不○試○之○譽○此  
豈○獨○於○子○弟○交○遊○在○所○必○慎○卽○尊○親○如○祖○父○亦○不○可  
奉○以○虛○美○使○吾○親○爲○聲○聞○過○情○之○人○且○人○之○善○否○宗  
族○鄉○黨○未○有○不○知○吾○九○實○一○虛○則○人○將○執○虛○劍○實○旣  
因○一○事○以○沒○其○九○而○人○情○不○服○必○加○誚○訛○是○求○榮○而  
反○辱○也○故○曰○虛○譽○其○親○與○自○誚○其○親○等○吾○輩○立○言○自  
有○本○末○卽○此○便○是○立○身○大○節○不○可○以○爲○迂○且○小○而○忽  
之○也○大○約○世○俗○好○諛○人○已○同○聲○以○至○生○死○謬○誤○忠○佞

倒置家有諛文國有穢史。襲僞亂真。取罪千古。皆自一念之不誠始。弟願先生取大集細細討求。凡所稱譽務使各稱其實。不爲世俗之情所惑。區區之忠欲相期爲傳人傳文。不獨在一事一篇也。

○復羅珂雪

讀大集種種如入王氏別屋。目不暇給也。承委作敘弟覽。諸名公敘不下數十雷。同則無取。欲另出一意。則前人語無可加矣。愚并欲比于諸敘。留全文一二。餘皆採其要語。列評論中。旣爾大雅。他日亦省剗。剗

魏叔子文集簡

卷七

五

之費。陸清河語平原云。雲今意視文乃好清省。在六朝時人論文。已有此境。愚願足下于集中省篇篇中省。句句中省字。文章如用兵。貴精而不貴多。韓淮陰多多益善。王剪六十萬古兵家亦少有是。人當下脫稿。不無溢出。辟如春夏發生草木。豈得枝枝入圃。至書牘溫寒語尤多。泛濫史書所載詔誥疏箋。未必初稿輒爾不遺一字也。

○又

國策載王蠋史記載趙良語。司馬公采入通鑑簡要。



蘊藉格味之妙十倍原本于此悟剪裁書牘之法

○○○復沈甸萼

知一向以衣食他走吾兄性情醇篤學問近裏嘗不  
爲俗務所紛比年多著述否生今之世無所自用亦  
不得不爾天下文章最苦無真氣有真氣者或無特  
識有特識者或不合古人法度合古法者又或形跡  
拘牽不能變化故天下能者甚多求其超逸絕羣足  
與古作者馳騁便爲少有第天資庸下又拙記性不  
能博極羣書旁知物情故文不能與衍有志未逮嘗  
欲屬之少年英絕之人得惠次君詩才已老成如是  
不知向時奇氣今復何如少年胸中最怕只辦才人  
各士自處便生出各種病痛到要緊處平日口中筆  
下所得力毫不濟事又各路不可令早涉早涉則心  
務外而酬應日多向裏學問日少尊兄宜令留意一  
切有用之學易曰藏器于身待時而動卒卒不及宜

○○○答毛馳黃

今天下家殊人異爭各文章然辨之不過二說日本  
領曰家數而已有本領者如巨宦大賈家多金銀時

出其所有以買田宅營園圃市珍奇玩好無所不可  
有家數者如王謝子弟容止言談自然大雅有本領  
無家數理識雖自卓絕不合古人法度不能曲折變  
化以自盡其意如富人作屋梓材丹牖物物貴美而  
結構鄙俗觀者神氣索然有家數無本領望之居然  
史漢大家進求之則有古人而無我如俳優登塲啼  
笑之妙可以感動旁人而與其身悲喜了不相涉然  
是二者又以本領爲最貴王謝子弟枵腹清談無常  
實事固不若巨宦大賈溫飽自養且可出其餘財上

魏又子文義簡

卷七

三

在園用下業貧民也足下留意經學治儒先之言可  
謂有本而措之文辭雖雜出文選六代然朴氣未漓  
澆朗雋整殊爲近古非小家所及

○與徐孝先

弟知孝先久不得直竊用惆悵春杪接旬兄書傳述  
誨言懇懇以古人望我感激何可言弟閉戶十八年  
始出遊交東南賢者歸又八年而出出處取與間常  
兢兢恐失山中面目而交游勢不得不雜文字酬應  
不得不多垂述本志遂亦不少杜子美云在山泉水

清○出○山○泉○水○濁○每○念○斯○語○展○轉○生○媿○始○信○浮○沈○之○際○  
大○是○難○爲○此○後○益○當○因○明○訓○加○誌○也○天○下○陽○氣○孤○微○  
正○人○日○衰○落○同○志○之○英○不○彼○此○砥○礪○夾○持○坐○令○棟○撓○  
柱○折○先○生○蓋○爲○斯○世○愛○惜○人○才○不○獨○私○厚○於○弟○也○

○○答暉遜庵揚組玉

承○兩○先○生○長○言○賜○教○論○學○道○重○於○文○章○昭○然○如○揭○日○  
月○矣○然○禱○未○書○本○意○益○不○如○此○蓋○以○世○當○衰○微○盜○憎○  
主○人○之○日○而○責○鄉○近○多○異○論○故○欲○稍○去○其○禮○樂○儼○然○  
之○跡○渾○其○標○持○昭○揭○之○名○聞○率○平○淡○不○失○自○修○講○求○

魏叔子文集

簡

卷七

七

之○實○斯○已○耳○此○亦○謬○託○大○易○儉○德○孔○聖○遜○世○之○旨○有○  
淡○愛○重○望○于○兩○先○生○爲○天○下○保○此○碩○果○何○嘗○敢○謂○文○  
章○勝○學○道○哉○其○曰○非○如○文○章○之○名○爲○易○居○者○亦○謂○三○  
不○朽○以○立○言○爲○最○次○而○文○章○又○世○所○同○好○但○不○與○人○  
爭○名○則○無○事○矣○講○學○者○舉○世○所○不○能○爲○而○最○忌○故○宜○  
泯○其○跡○象○此○正○推○學○道○于○文○章○之○上○意○本○易○明○或○兩○  
先○生○一○時○胸○有○主○見○遂○忽○言○者○本○意○又○或○禱○辭○不○達○  
意○以○致○此○耳○因○思○朱○陸○同○異○常○日○紛○紜○亦○緣○互○有○誤○  
解○不○肯○平○心○反○觀○遂○致○議○論○日○多○此○吾○邨○前○車○之○鑒○

也。禮謬以文章爲世所知，自反闕然，不足窺古人門戶。若又爲文章勝學道之言，是昧目覆心之人矣。禮雖愚，豈出此哉。所刻拙錄一條云：吾敬真道學甚，于敬忠臣孝子，禮平日持論如是如是。兩先生再取原札反覆，若果謬妄，知長者愛人以德，決不憚筆墨之煩，更相訓迪也。

○與楊友石

舊從蔡生讀先生詩文，以爲鄭億翁復出然。億翁文采不足，傳獨以愚忠愚孝孤立天壤，猶使數百年後

魏叔子文集簡

卷七

七

習井效靈，以後世視先生，復何如也。先生嚴氣正性，不肯毫髮自假借，亦不肯毫髮假借于人，而發爲文章，正大雄剛，專以理氣自勝。三百年祖德不絕，如綫使天下忠臣義士有所依倚，以傳者，其在斯乎。弟粗慕志節性柔力惰，不能卓然自拔世俗之表，時時想望高風，以起頑懦。

○○與伯兄

風波可畏，如此勿激於怒，不能自制，勿動于喜，不能自慈，談笑拱揖，禍起無方，願審慮也。人以我爲能生。

人則必有以我爲能殺人者

○又

局外人在兢惕於心局中人在慎畏於事局外常見  
聲色局中不動聲色願交悲之

、又

嬾病間劇不常欲來頻止數日念兄特甚晨起見鳴  
鳥情緒悽惻因復成詩終篇之頃不覺三數攪滄也  
長年遠離左右亦以男子四方之常今此近不親翻  
增感歎詩如可存幸改正之

魏叔子文集簡

卷七

三六

○又

事煩擾知無可如何受病在形所以受病在心心以  
形勞形以心瘁則一分勞得二分病也念已處此不  
得不爾諭其心使安之或亦愚者一得

○與季弟

劉功定先生舊友死三日不得歛又妻女二棺暴露  
先生奔走殯葬若未嘗見爲義舉而爲之此可師也

○又

如此時乃使汝長走俗

○又

昨期友省功定兄墓欲更立碑比至墓圮者數處不能記識古人云死者復生無悔生者不愧前膺自悼不可比數爲人人亦何用有生友爲

○答世傑

乙巳六月日叔父敬答世傑覽長箋具悉忠愛之勤今仍批閱寄汝使知情事文章得失之故當別錄一通歸我也我于忠佞之區別之已早特性寬容而慈人規故開用情主厚以爲加之禮貌者勢也時其緩

魏叔子文集

卷七

七

急植之使不失所者情也親我而我不之疎者往不追來不拒之教也苟此事非大義大故所關則一我吾之情論其爲親故而已而年來志趣又欲一君子小人皆待以誠而不欺于是形迹之間涉于泛愛無別其人亦得以小心殷勤效于吾前吾又不能無所以報之延蔓牽致遂如葛藤之繞樹而不可斷躬虛先生曰小不謹其勢必至于誤大誠爲至言此則我之過也而來箋云云若昧忠佞之分而齊君子小人之等則言雖善而非其情矣然以杜絕流弊洒滌形

迹。則。汝。言。又。未。始。非。先。事。藥。石。近。舉。動。室。而。不。得。于。心。乃。益。信。姑。息。之。害。詩。曰。我。之。衰。矣。自。貽。伊。戚。獨。行。中。庭。未。嘗。不。累。歎。而。增。歎。也。意。有。不。盡。不。妨。補。牘。使。我。熟。思。而。得。之。

○又

獨。居。深。思。慚。憤。交。至。此。憤。悱。之。候。所。當。乘。時。自。進。也。欲。作。人。必。須。喫。苦。處。人。必。須。喫。虧。否。則。無。以。動。心。忍。性。汝。欲。立。志。先。將。好。虛。勝。好。便。宜。自。利。私。之。念。極。力。剷。除。受。師。友。苦。口。之。言。如。有。病。忍。氣。服。眼。眩。之。藥。行。

魏叔子文集

東手

卷七

五

難。爲。之。善。如。遠。行。足。痛。必。忍。痛。行。歸。其。家。如。此。做。去。于。已。便。有。把。柄。于。人。便。有。徵。驗。記。曰。無。微。不。信。此。之。謂。也。吾。年。過。五。十。精。力。衰。耗。然。時。時。自。策。厲。若。在。強。壯。志。氣。不。衰。則。精。力。乘。之。而。旺。至。于。讀。書。吾。最。苦。遺。忘。十。倍。于。汝。然。頗。曉。古。人。用。意。處。無。他。用。心。專。勤。得。一。理。輒。日。夜。思。之。欲。措。諸。實。事。得。失。何。如。故。所。學。稍。得。用。不。倚。記。誦。也。孔。子。曰。君。子。疾。沒。世。而。名。不。稱。古。人。三。十。年。爲。一。世。人。六。十。周。一。甲。子。是。三。十。亦。半。人。世。也。乘。時。自。奮。迅。則。三。十。爲。方。強。悠。悠。歲。時。玩。愒。日。

月則三十立致。遲暮不可以不思也。吾叙楊晟三十文當善讀之。

○○寄諸子世儼世儼

儼提抱時甚慧。今所記經傳他古文亦多。然文筆不展拓。近稍展拓能秀。側發意而不知古人運格之法。魏孝文稱大崔生光才浩浩如黃河東注。二十便當司空。儼年將及此不自努力。豈獨鄧禹能笑人耶。儼學作古文有尖儼處。才又短於儼。近文亦能有尾爲之一笑。然弗自謂幼能是。亦是人轉盼老大。我追思

魏叔千文集

簡

卷七

五

如儼年。正昨日事。時我已有名。今忽忽五十。苦不逮人。一無成就。蹉跎時月。悔之已晚矣。作文貴先立意。不必求異。但須有獨到處。便足異人。然既有好意。須思此意如何方能發得透確。用何陪賓。用何引證。

前後當如何位置。一一要合古人法度。文成乃粲然

可觀。非但如作家信寫塘報米鹽無差事故。日時不錯。便足稱辭達也。儼受教久。當轉以教儼書曰。惟敦學牛記曰。問然後知困。不但成弟亦且自成。汝兄弟若悠悠。忽度日少。得便足真被古人小時了了。大時不



了了二語罵殺矣並示汝兄覽之

○○復徐叔亨

文章不足觀人久矣見邱白夫書序及足下詩則斷然以爲君子人矣士生斯世陽氣孤微如敗柱朽楹檼棟欲下使非得一二剛確不撓之夫相與枝柱則大厦瓦解人無所庇願足下自愛

○○與徐伯調

天下文章汗牛充棟如金錫木石投之洪鍾消燼灰燼存者固少此無他其中本無所有而其有者雜之魏又子文集簡卷七  
浮脫冗腫之中亦復不足自存故也

卒

○○與門人熊養及

向者相委懇切以守節之事門下所優爲故欲進門下於達節因而走俗則大不可子貢問士子曰行己有耻禱嘗釋之曰士人獨居不與物交時廉隅易飭及至盤辟於群人旁午於事會則不能不務其通務通而失畔則浸淫至於喪其所守古人隱居負高名一涉世途則談者失望正坐此也門下前當於介處求通今更當於通處全介語曰單純絕木髮漏沈舟

君子防大必於其小此禱拳拳之心也

○答孔正叔

世之執筆著書以文章自娛者孰不欲立名於世然  
各有久暫有大小善爲文者以六經爲寢廟左史爲  
堂與唐宋大家爲門戶然讀左史則欲去其誣濫不  
經唐宋大家則欲去其偏見危言與文士之谿徑才  
人之氣習夫非以求勝古人也後之學者必有以勝  
古人而後古人可學而至故曰智過其師乃能如師  
卑卑而守之循循而做之雖聲實並至其去古人則  
魏。又。子。文。集。簡。卷。七。六。

乎

已遠矣大篇恣意評論不復修其忌諱蓋非敢以相  
益譬之啖土炭者以爲美味獻之於人固自忌其病  
腹也然則禱當獻藥而病已畢呈矣士生斯世所當  
講求者有大於此何日親承顏色盡獻其胸中所疑

政教系



512